

Transkription von Urkunde HBS 1445b

Ort, Datierung: Halberstadt, 1445-10-06

Signatur: Stadtarchiv Halberstadt, D 23

Inhalt: Rat der Stadt Halberstadt: Rentenbrief

WE Borghermester(e) Radmann(e) Inni(n)ghe(me)ster(e) vnde Burmester(e) der Stad / Halberstad
Bekennen vnde betugen openbar jndussem(e) breue¹ vor allen de on(e) seh(e)n / horen oder lesen , dat
we eyndrechtliken wolberadens van der gna(n)ten vnser / stad wegen , redelken vnde rechtliken
vorkofft hebb(e)n , vnde vorkopen in macht / dusses breues dem(e) Bescheden(e)n Manne Syuerde van
dedeleue itzund(e) vnsem(e) / medeborgher(e) vnde m(a)rga(r)eten siner eliken gheuen(e)n husvrawen
anderhalue / lodighe m(a)rk jngheldes Jarliker gulde halberstedisscher weringe one de alle / iar wol to
ghenoige , vnde to dancke , van vnsem(e) radhuse to betalende vnghe=/hindert , vnde an(e) uptogh up
Sunte gallen dagh alle de wile se beyde oder , / orer ey(n) besunderen leuet , dar se vns vorgegeuen
hebben veffthey(n) lodighe m(a)rk / ergnan(n)ter halberstedisscher weringe , de we van on(en) wol to
ghenoige in eyner / Su(m)men wulbestendich jnghenomen hebben vnde entphangen vnde vort
ghe/kart in unser gnan(ten) stad ghemeýne(n) nũd vnde vromen wur des nod was / vnde behoiff
Sunder wen dusse vorbenomeden tweý alse Syuerd vnde m(a)rga(r)e=/te sin elike vrawe(n) van dusser
werlde van dodes wegghen vor vallen sin , des / god doch lange nicht e(n)ne wille So is dusse jarlike
tinsz anderhalue mark / vnser gna(n)nten Stad gensliken vorleddighet vnde losz gheworden , dit loue /
we Siuerde ergn(an)t vnde siner geuen(e)n husvrawe(n) , vor vns vnde vns(e) Nakome=/linge stede vast
vnde vnuorbroken wol to holden(e)n in guden truwen an(e) Jen(n)i=/gherleye behelpunge indracht list
oder gheuehrde dusses to orkunde vnde / mehr wissenheit gheue we on(e) dussen breiff mit vnser
gnan(ter) stad groten An=/gehangeden Jngesegele besagheld Na (cristi) ghebord vnser leue(n) he(re)n
veyrthey(n)=/hundert iar dar na jndem(e) viffvndevertighesten Jare andem(e) mitwekenn(e) / vor
Sunte dýonisius daghe des hilghen mertelers etc.

¹ *breue* über der Zeile eingefügt